

ნარდობის ხელშეკრულება №07-05/
მშენებლობაზე ტექნიკური ზედამხედველობის შესახებ
ქ. თბილისი

07.03.13

შ.პ.ს „ყაზტრანსგაზ-თბილისი“ (შემდგომში - შემსრულებელი), წარმოდგენილი ტექნიკური ზედამხედველობის დეპარტამენტის დირექტორის თამაზ ლვანიძის სახით, მოქმედი სპეციალური მმართველის 2011 წლის 24 ოქტომბრის რწმუნებულების საფუძველზე, ერთის მხრივ და სსიპ ქალაქ თბილისის №219 საჯარო სკოლის (შემდგომში - დამკვეთი), წარმოდგენილი მისი დირექტორის შ. ხუცუშვილის სახით მეორეს მხრივ, შემდგომში ერთობლივად წოდებულნი, როგორც „მხარეები“, ხოლო ცალ-ცალკე - „მხარე“, ვდებთ წინამდებარე ხელშეკრულებას (შემდგომში - „ხელშეკრულება“) შემდეგზე:

1. ხელშეკრულების საგანი

1.1 დამკვეთი ავალებს, ხოლო შემსრულებელი იღებს ვალდებულებას განახორციელოს სარემონტო და/ან სამშენებლო-სამონტაჟო სამუშაოების ტექნიკური ზედამხედველობა დიდი ლილო სოფ. წინუბანი №219-ე საჯარო სკოლის გაზომარაგებაზე

2. სამუშაოს ღირებულება და გადახდის პირობები

2.1 დამკვეთი უხდის შემსრულებელს ობიექტის სახარჯთაღრიცხვო ღირებულების 5898,65 (ხუთიათას რვაას ოთხმოცდათვრამეტი ლარი და სამოცდახუთი თეთრი) ლარის - 1% - ს, 58,99 (ორმოცდათვრამეტი ლარი და ოთხმოცდაცხრამეტი თეთრი) ლარის ოდენობით დ.დ.გ.-ს ჩათვლით, სამუშაოს დაწყებამდე წინასწარი გადახდით.
2.2 წინამდებარე ხელშეკრულების მოქმედების მთელი პერიოდის განმავლობაში შესრულებული სამუშაოს ღირებულება ცვლილებას არ ექვემდებარება.

3. მხარეთა ვალდებულებები

3.1 დამკვეთი ვალდებულია:

- დროულად მიიღოს სამუშაო და აანაზღაუროს მისი ღირებულება წინამდებარე ხელშეკრულების 2. პუნქტის შესაბამისად;
- წინამდებარე ხელშეკრულების მოქმედების მთელი პერიოდის განმავლობაში დროულად მიაწოდოს შემსრულებელს საპროექტო დოკუმენტაცია;
- წარადგინოს ინფორმაცია (შესრულებული სამუშაოს აქტების ასლები, ფორმა №2) ხელშეკრულების გაფორმებამდე შესრულებული სამუშაოს ოდენობის შესახებ, ასეთის არსებობის შემთხვევაში;
- წინამდებარე ხელშეკრულების მოქმედების მთელი პერიოდის განმავლობაში დროულად გადასცეს გაზომარაგების მშენებლობის მონაწილე ყველა მხარესთან დადებული ხელშეკრულების ასლები;
- გადასცეს შემსრულებელს იმ ორგანიზაციების ჩამონათვალი (საკონტაქტო ინფორმაციის მითითებით), რომლებიც მონაწილეობენ ობიექტის გაზომარაგების დაპროექტებასა და მშენებლობაში;
- დაუშვას ობიექტზე შემსრულებლის ერთი წარმომადგენელი
- დროულად შეატყობინოს ობიექტის მშენებლობის ყველა მონაწილეს ტექნიკური ზედამხედველობის განხორციელების თაობაზე წინამდებარე ნარდობის ხელშეკრულების გაფორმების შესახებ;
- არ აანაზღაუროს მენარდეს მიერ გაზომარაგებასთან დაკავშირებული შესრულებული სამუშაოების ღირებულება თუ სამუშაოები არ არის მიღებული შემსრულებლის მიერ (შესრულებული სამუშაოების მიღების აქტი არ არის ხელმოწერილი).

3.2. შემსრულებელი ვალდებულია:

- შეასრულოს ტექნიკური ზედამხედველობის ფუნქცია;
- ტექნიკური ზედამხედველობა განახორციელოს არანაკლებ კვირაში 6 დღისა ობიექტზე მუდმივად ყოფნით დღეში 1 სთ.
- ყოველთვიურად წარუდგინოს დამკვეთს ტექნიკური ზედამხედველობის ჟურნალის ასლი;
- დროულად გააფრთხილოს დამკვეთი მისგან დამოუკიდებელი ყველა იმ გარემოების შესახებ, რომლებიც საბრთხეს უქმნიან შესასრულებელი სამუშაოს ხარისხს.

4. მხარეთა პასუხისმგებლობა

4.1. მხარეები პასუხს აგებენ ნაკისრი ვალდებულებების შეუსრულებლობაზე ან არაჯეროვან შესრულებაზე მოქმედი კანონმდებლობის შესაბამისად.

5. ხელშეკრულების მოქმედების ვადა

5.1. წინამდებარე ხელშეკრულება ძალაში შედის მშენებლობის დაწყებაზე შეტყობინების დღიდან და მოქმედებს ობიექტის ექსპლუატაციაში ჩაბარებამდე, ხოლო ანგარიშსწორებისას - მათ საბოლოო დასრულებამდე (აღნიშნული ვადის ამოწურვისას ხელშეკრულების მოქმედება წყდება).

6. ხელშეკრულების მოშლა

6.1. დამკვეთს უფლება აქვს ნებისმიერ დროს ცალმხრივად მოშალოს ხელშეკრულება შემსრულებლისათვის 14 დღით ადრე წინასწარი შეტყობინების გაგზავნის გზით. ამასთან დამკვეთი უხდის შემსრულებელს ხელშეკრულების მოშლის მომენტისათვის ფაქტიურად შესრულებული სამუშაოების პროპორციულ ანაზღაურებას.

6.2. შემსრულებელს უფლება აქვს მოშალოს ხელშეკრულება დამკვეთის მიერ 14 დღეზე მეტი ხნით გადახდის დაგვიანების შემთხვევაში.

7. სხვა პირობები

7.1. წინამდებარე ხელშეკრულებასთან დაკავშირებული ყველა დავა, რომელიც ვერ გადაწყდა მოლაპარაკების გზით წყდება საარბიტრაჟო სასამართლოს მიერ დადგენილი წესით.

7.2. დოკუმენტები, რომლებიც წარმოადგენენ ხელშეკრულების განუყოფელ ნაწილს, ხელმოწერილი უნდა იყოს ორივე მხარის მიერ.

8. დაუძლეველი ძალის გარემოებები

8.1. მხარეები თავისუფლდებიან წინამდებარე ხელშეკრულებით გათვალისწინებული ვალდებულებების შეუსრულებლობით ან არაჯეროვანი შესრულებით გამოწვეული პასუხისმგებლობისგან, თუ ეს განპირობებული იყო ბუნების მოვლენებით, სხვა გარე ფაქტორების მოქმედებით და დაუძლეველი ძალის სხვა გარემოებებით, და თუ ამ გარემოებებმა უშუალო გავლენა მოახდინეს წინამდებარე ხელშეკრულების შეუსრულებლობაზე.

წინამდებარე ხელშეკრულებით ნაკისრი ვალდებულებების შესრულების ვადა გადაიწევა იმ ვადის შესაბამისად რომლის განმავლობაშიც მოქმედებდნენ დაუძლეველი ძალის გარემოებები.

8.2. თუ დაუძლეველი გარემოებების მოქმედება ან მათი შედეგები გრძელდება 3 თვეზე მეტ ხანს შემსრულებელი და დამკვეთი განიხილავენ თუ რა ზომები უნდა იქნეს მიღებული წინამდებარე ხელშეკრულების გასაგრძელებლად. თუ მხარეები ვერ შეთანხმდებიან ერთი თვის განმავლობაში, ყოველ მათგანს უფლება აქვს მოტხოვოს ხელშეკრულების მოშლა.

9. მხარეთა რეკვიზიტები და ხელმოწერები

შ.პ.ს. „კატრანსგაზ-თბილისი“

საიდენტიფიკაციო კოდი 205129617

სს „საქართველოს ბანკი“

ბანკის კოდი 220101502/ა № GE 18 BG 0000000821305500

შემსრულებელი:

(ხელმოწერა)

ბ.ა.

დამკვეთი:

(ხელმოწერა)

ბ.ა.